



Inatsisartunut ilaasortaq  
Malik Berthelsen, Siumut

**Innuttaasup pisortanit ikiorsiissutinik qinnuteqaataanik nalilersuinermi ukiut  
siuliini aningaasarsiaasimasut apeqqutaassarnersut Naalakkersuisunut apeqqut**

5. december 2012  
Sagsnr. 2012-076774  
Dok. Nr. 1064052

Asasara Malik Berthelsen

Postboks 260  
3900 Nuuk  
Tlf. (+299) 34 50 00  
Fax (+299) 34 66 66  
E-mail: ikinn@nanoq.gl  
www.nanoq.gl

Pisortanit ikiorsiissutit pillugit apeqqutinnut qujanaq.

Siullermik ajuusaarutigaa akissut aatsaat maannakkut nassiunneqarmat.

Kialuunniit imminut, katissimallugu aapparissaminik qitornaminillu 18-it inorlugit ukiulinnik pilersuisussaataitanaera pisortat ikiorsiisarnerni inatsisini tunngaviuvoq. Aatsaat inuk imminut allatut pilersorsinnaangikkaangat pisortat ikiorsiissutaannik tunineqarsinnaavoq.

Inuk pisortanit ikiorsiissutinik pisinnaanersoq naliliinissami, qinnuteqartup aningaasatigut atugarisai tamaasa tunngavigalugit kommunalbestyrelsi naliliissaaq. Tassa imaappoq akissarsiat, ileqqaakkat, aalajangersimasumik aningaasartuutit, inooqatigisap/katissimallugu aapparissap aningaasarsiai, inuuniarnermi atukkat, pilersuisussaataitaneq il.il. pillugit paasisutissat piniarneqassapput. Paasisutissat tamakku qanoq sivistigisumik kingumut uterluni piniarneqassanersut pisortanit ikiorsiissutit pillugit peqqussummi aalajangersarneqanngilaq.

Qinnuteqartup pisortanit pisariaqavissumik ikiorsiissutinik tunineqarsinnaaneranut aalajangiisuussaaq, qinnuteqartoq imminut ilaquuttaminillu pilersuisinnaangitsutut kommunalbestyrelsimit nalilerneqarnersoq. Pisortat ikiorsiinissaat pisariaqavissumik pissaaleqilernerneq periarfissatut naatsorsuussaavoq. Ikiorsiissuteqarneq maannakkorpiaq pisariaqartitsinermuinnaq tunngasuussaaq.

Inussiarnersumik inuulluaqqusillunga

  
Mimi Karlsen